

集部

欽定四庫全書 集部

演山集卷四十九至

侍讀臣孫球覆勘 詳校官庶吉士臣具 題 校對官主簿臣汪日賛 覆校官中書臣王慶長

曆録監生 臣張 炳

傳馬臣未之間也所謂閉那吾君不能謂之賊齊宣王 いたいつから **于君謂之恭故孟子曰無以則王子管仲論早而** A CHARLES CHARLES .... 卷四日 公終用強國之術不能責難者也陳 **液山集** 無道威文之事者是以後世无 我非堯舜之道不敢陳于王 宋 黄裳 撰

乎哉 問 金ラロろとこ 望之不似人君以其无儀就之不見所畏以其无威卒 仁之微者自其微者而推之遂足以保四海是豈賊仁 之賊孟子以王不忍一牛之觳觫遂許之仁不忍一牛 之實孟子所以怪其難知而嘉嘆之耳 然而問其志甚大雖无可望可畏之文而有可望可畏 仁之微者至于保民而王仁斯至矣然而孟子不棄其 曰若寡人者可以保民乎哉孟子曰可也賊仁者謂 卷四十九

父在觀其志故能有養父沒觀其行故能有述三年之 之意沛然之雨以譬仁政之澤 而孟子之時天下之人牧未有不嗜殺人者則能一之 仁者不可為衆所以能一天下不嗜殺人非仁之至然 有不忍人之心斯有不忍人之政油然之雲以譬仁政 非必仁如文王天下莫不與也此仁者所以无敵于天

炎定の事へこう!

演山集

非喪事不言奚暇改父之道哉又况孝子更有不忍

之心乎 者必使天下之人有情以相愛有文以相節夾輔其禮而行 上下之分无禮則亂无和則離首徒行禮以為節制无可觀 然後先王之道美矣小大由禮不以和通之則離故有所不 謟 行知和而和不以禮節之則流故亦不可行 者夷之因人者也徐辟為人因者也因人不失其親亦 无義之信其言一出而已不可復也无禮之恭上交則 下交則續韶續之中恥辱存馬有因人者有為人因 ï

之恭出于禮則遠恥辱不足言之為不失其親者之所 可宗也而况為人所因者乎信出于義則可復不足言 敏

忘其所憂在乎為行則忘其所難德行患有所失未敢 憂飽食逸居人之所樂臨事人之所難出言人之所易 自以為是以人為非人之所敵其志在乎飽德安仁 于事而慎于言其志在乎為行食不飽居不安人之所 食无求飽其志在乎飽徳居無求安其志在乎安仁 因則亦可宗也不足言之

则

次三日車八三方一四

樂 内 求 以為好學與食前方丈我得志弗為也方學之時食無 自以為是也就有道而正馬則忘其好已勝矣此其所 害乎義貧而无怨難富而无驕易葢夫貧而无怨則能 守富者富而好禮則忘其富矣所好者不在乎物是故 貧而无蹈善守貧者貧而樂則忘其貧矣富而无驕善 有以制心而所欲不累乎徳外有以節事而所行 耳 飽居無求安及其得志也故能如是 如切 如磋道學也則言貧而无蹈富而无驕如琢 卷四十 不

則有累乎志行不患不知人則有害乎物已以天命處 政者正也德不與馬則有徒法而已天下何所取哉書 不已知而進乎徳以人事處不知人而進乎智 如磨自修也則言貧而樂富而好禮者患人之不已知 政以徳故有中以養乎不中有正以率乎不正孔子曰 取正書曰民心罔中惟爾之中子率以正孰敢不正為 而高故為衆星之所取正德政中而高故為天下之所 而不可不易者道也中而不可不高者徳也北辰中

大とりって これ

意之所及也雖至變風之世其俗猶在及乎先王之澤 詩之所自根于心本于性循理而發至于永歌舞蹈而 作者无邪之詩不復得矣 後已烏有人偽與其間哉故詩之用動天地感思神夫 曰徳惟善改 已竭在人心者物或蔽之始有誣上行私與夫翫 至矣其言有序其情有節樂者不淫哀者不傷真情 天地之大思神之幽不誠未有能動者也思无邪則 物 而 誠 誠

使民皡皡而不知為之者則大王以民力為臺為沿而 道以示天下則民何從而附之哉靈則王神之散者也 とこう シー 鹿見之而不聚鳥見之而不舉魚見之而不逝庶民以 民歡樂之未之至也民无得而稱馬則謂其臺曰靈臺 力為臺為治可謂勞矣及以為樂馬文王之德不亦靈 謂其治曰靈治未之至也當是之時文王茍不散神之 樂其有麋鹿魚鱉民之樂也樂民之樂者民亦樂 又烏有欲與之偕亡者哉 演山集 <u>5</u> 其

金プロととこと 先王之陳遊盡心之勤益與墨突不然無以異也百步 所 河内凶移其栗于河内以濟所無移其民于河東以 無為而無乎不為之謂道僖公君臣有道無乎不為以 錐 梁王之心雖勤于鄰國而失所以用心則一也五十步 而後止以譬鄰國之政五十步而後止以譬梁國之政 民通財之法施于仁政之不幸梁惠王不仁其政徒用 有移民通財先王之法然而先王與民務本然後移 不弱于百步而棄甲以走則一也 即

思其居在公飲酒不必勸之曰今我不樂日月其除此 至于無為者也言其无乎不為則曰在公明明言其無 無體之易三才孕乎其中父矣天道陽也無陽中之陰 其有則其利及天下君子有穀贻孫子則其熊及後世 醉言舞則言其有樂以盡其散醉言歸則言其有禮以 其所以為有道數惟其有道在已則能致禮樂以自 其肆在天則能和陰陽以為天下後世自今以始歲 則日在公飲酒在公明明不必戒之日无已大康職 修

次こりを へこう 一

得 屋 魂 肝藏魂肺藏魄心生氣三物附會而有生馬及其散也 則 夏祭心主報魚也商祭肝主報魂也周祭肺主報魄也 合而報之用性之氣加以蕭光禮之遠于人情者也故 畫而天則廢陰一畫而地則廢陽然則天地之道安 弗能生地道陰也無陰中之陽則弗能成人道亦然 氣歸于天形眼歸于地先王方其致之也陽達于牆 則其求于天陰違于淵泉則其求于地及其祭之也 而立哉兼三才者易之道也兩之者立三才之道也

以報氣教民反始用姓之實加以鬱电禮之近于人情 送之生无以養死无以送雖有其身猶將棄之奚暇 使民養生喪死无憾之始可謂知本不違農時數器不 其性哉先王知人事之大者在乎死生所以失人之情 有以養之其死莫不欲致其良故先王于其死則有以 謂知序人之情其生莫不欲致其數故先王于其生則 者也故以報魄教民相爱 入污池斧斤以時入山林可謂知類富之然後教之可 治

炎定四章之言一

海山集

則 魚則魚鱉不可勝用然而不違農時數罟不入污池斧 死有具穀與魚鱉不可勝食則其養生有備矣材木不 斤以時入山林此為民養生送死者之計也王者之仁 用 可 可勝用則其送死有具矣然而材木不可勝用魚鱉不 者在乎死生之失其所故為之政馬使之養生有備送 穀不可勝食草木零落然後入山林則材木不可勝 污池之魚易窮數告難避以難避之苦不取易窮之 勝食生之之道可得而聞乎用民之力歲不過三日

老四十九

衣帛矣七十非內不飽鷄脈狗蟲之畜无失其時則可 宅植之以桑鷄脈狗風之畜無失其時此為民養老者 馬库序者王教之所自出則使之謹库序之教孝弟者 也益夫五十非帛不媛五畝之宅樹之以桑則可以常 之計也百畝之田勿奪其時此為民養少者弱者之計 至于老者少者弱者得其所養而後至馬是故五畝之 J. 1. .. J. .. 不失其所養則驅而之善其民從之也輕矣故為之 以常食肉矣養生者有備送死者有具老者少者弱 (P) 1. .. 教 者

而 而斷馬 老 周之封建失之于後其失也無徳漢之封建失之于初 民以即所有而望民之多于鄰國不亦适乎 以其有義存馬是故孝弟有義而後少者代弱肚者代 王教之所自始則使之申孝弟之義孝弟而不好犯上 秦之守天下也以其所取故其失也猶能剛之物一 不知檢塗有餓殍而不知發徒能移栗以齊所無移 領白者不負戴于道路梁王不知所務狗風食人食 卷四十九 折

金定匹库全書

車辇曳之有馬牛非貧于公上秦廢先王之制而惟夷 間 狄擅有鄉兵之利以夫區區公上之轉輸而對夷狄自 其失也無度 温 三代之兵出于鄉遂之中行粮止食獨秣械用載之有 贍之卒伍此遐征速討所以屢困中國也 則夫子之求之也豈異乎人之求數此良所以序 則其為徳出乎笑貌之間耳温恭之徳出乎笑貌之 以接人使人親之恭以待人使人尊之无良在其中

我然後我得以恭待人此恭所以序温徳之後奢則騎 爭而後良出而為忠有所修而後良散而為善使人親 徳之中善者人徳良者天徳良在乎知則無事于應良 矣良徳遂喪其孰為温與恭哉此儉所以序四德之後 在乎能則無事乎學良在乎貴則趙孟不能賤之有所 良存心以儉讓處物儉而有讓則物輕無讓則物重益 有是四德而物重馬四德遂喪是故聖人以温接人以 無讓之儉其失也各而已儉而讓則其自奉者輕奉

**郵灾四库全書** 

巻四十九

各而已 之敵趣之戰也與其凡問之間田獵之時無以異也其 軍 赴 以兵寄農以教兵寄蒐狩其赴田役也猶其在比 則夫子之求之也將以自用人之求之也將為人用為 人者厚四德由是不累于物此讓所以序四德之後然 用者无處已之良無輕物之讓以温恭為佞以儉為 则 戰陣也猶其在田役聲音服容在鄉則相識于族 相識于卒在田後則相識于发舎不測之變無常 問其 在

次是日本人之前 一

振益錐 孰以為危事哉 犀吏之治在事與物先王合其日計而為成合其旬計 執之有總小數之則乘大數之則會職內所叙職幣所 其法尤嚴而不敢緩也財用之數驗之以書幹督之以 天下之事无財不立天下之民無財不聚以禮防民以 要成證之以貳令考之以參五逆之以式法辨之有類 制事无財不行周之設官三百六十以理財責奉吏 ノビノ 餘財而加肅 た 子 モ 馬

萬 責 師 伍至旅所以治之之祈未始廢也則其責師足以圍 圍 而為要合其月計而為會治會者王治要者正治凡者 治 旅師軍其為軍也責其足以包敵為師也責其足以 有二千五百人居則為此間族黨州鄉出則為伍兩 治目者司治數者旅 之參偶以相糾聯機幟以相識別旌旗以相指 敵雖然先王豈敢率爾而責之哉猶為伍兩卒旅以 軍足以包敵不亦宜乎伍法為野人而設軍法為 揮 敵 自

そこりること

金りせる 多雨秋宜多陽夏宜多與冬宜多寒四者之中無風不 物者也極備也過極无也不及皆失陰陽之中氣春宜 貌言視聽思君以人萬民者也雨賜燠寒風天以育萬 化其猶四端之有信四行之有土四事之有思也與肅 固有無意而相感者而况五者之相若則烏知其弗之 也人也哲也謀也聖也五事之得也五者之時若之狂 僭也豫也急也炭也五事之失也五者之常若之物 而設卒法為號名而設 13 THE

以從致入今既至矣則五者之来不以其叙是數也天 地之變陰陽之化物之罕至者也 應哉聖人還顧五事之至不其未至也則當以恭致肅 海山集

处江1日·西、A.M.

演山集卷四十九			金三人 正元 乙二三
			基四十九

所 先王在上域民以禮不以封疆之界固國以仁不以山 溪之險威天下以義不以兵革之利雖有堅銳固塞無 欽定四庫全書 司 MALLE IN LILE 智為長司馬者有事人之志有死難之節雖有持 演山集卷五十 詐無所用矣長人之仁帥人之智六術五權在乎拱 用矣為軍將者有養人之徳為師師旅師者有師 雜 說 演山集 来 黄棠 撰 势

違力地有餘利然後朋酒斯饗稱彼兕觥以盡其歌則 宵則人息之時也使之索綯冬則人休之時也使之乗 揖顧指之間人之所不能測者齊威之節制不可以遇 國子之合無政則亂無教則愚其正之也移屏而已無 昔時勞之也所以為今日之計數 屋豳公非固勞之也以為不若是無以致其樂馬民無 天下而已有徳之將有智之帥仁義不可以勝用馬 三代之仁義仁義之用非特在乎先王所以固國與威

金少四月三言

卷五十

炎色日年之言 一 凯 師 成均之法則人性失中其教之也記誦而已無道徳之 政 以道則所 國子之所學則以中德致之故為之師氏保氏養國子 胙 也蔽于天而不知人非此所謂有道蔽于外而不知內 有徳者教之也 者國子之所禀則以中法治之故為之大司樂道者 則人心失性成均之法成人之性均其過與不及者 此所謂有徳 謂有道者教之也師氏以三徳教國子則所 演山集

姦絕馬不敢擅有所齊搖者為夫傳有說也天下之盜 天下之民不敢擅有所之適者為夫節有期也天下之

報上也有美有嘉馬五言之出非則天下忽故此八音 五言之出是則天下治故此八音安以樂民以五言而

怨以怒民以五言而報上也有箴有刺馬以五言之嘉

美者而納乎上則上知所因矣以五言之箴剌者而納

乎上則上知所革矣萬民之言以六律與之音八音之

絕馬

次定习事之替 一 道天地之理夫婦之情父子之性聲律之中存馬况有 先王之政在中國者詳于九州在九州者詳于四海夷 先王之化上以和天時下以和人心述五行之和氣播 氣以六律與之度是故內通乎性外通乎政君子聞之 所作之微猶役于陰陽馬 之于八音採萬民之和言奏之于六律則其所感之幽 十有二律生于十二無十有二聲出于十二律陰陽之 有所思馬以與聖人在之有所悟馬以改 演山集

蠻戎狄人民財用六姓九穀之數知其利害而已故略 忍哉 亂 于 有来雅雅者以其和故至止肅肅者以其敬故能得萬 子矣未至于斯極者所不忍季氏忍為之則其孰不可 功以舞觀德季氏八佾舞于庭則將以功德自視于天 故略于中國 臣之肆無所不僭至于僭樂則盡之矣先王以樂泉 九州九州之政各有諸侯制節謹度同其貫利而已 卷五十

之天子苟無穆穆之德則安能致是哉祭祀之始天子 人文武維后享皇天之花則曰綏我眉壽介以繁祖問 致助至有辟公之顯相祭祀之終皇考致祐至有皇天 國之概心以事其先王然後享皇考之祐則曰宣哲 此 之繁祉事其先王之至者也宗廟之祭歌之以徹其以 天道高而尊造物者也惟造物者為能覆益愚衆之罪 用天子之制亂名喪實雍之作也又奚取于彼哉 **數三家特陪臣耳事及三廟堂上之徹庭中之舞** 

Section 1

惟成物者為能司收愚衆之善惡而教之此司徒所以 過而治之此冢字所以為天官地道果而親成物者也 為 為 為 刑不以弼教天下始有無恥之民然而王宅厥心不能 有大字亦為用宅哉 無道揆下無法守然後道之以政不以立禮齊之以 虚刑不為暴本乎一道而已恭自治官以道為本出 政刑豈有他哉輔予益覆之所不及者耳後世之治 地官先王之治有政所以立禮有刑所以弱教政 不

萬民孰敢不正 守 正朝廷以正百官正百官以正萬民大字建其書佐王 公北面而有答王之道王族故士虎士從王于路門 子率以正孰敢不正朝廷之上鄉明之君中心無為以 而 而 西面之卿其徳足以佐王東面之孤其徳足以祐聖三 治其遠者也故以正職以正萬民孔子曰政者正也 治其近者也故以正典以正百官小宰滋其事貳王 至正一人帥以正則百官熟敢不正百官帥以正則

17 6.10 in 1222 1

金八正人之一言 右楊僕百司無府當如文王之世有仁以為常伯有能 以為常任所守不戾乎法所負不愧乎位豈有他哉守 右大僕大右從王于虎門之左虎賣級衣趣馬小尹左 惟臣良臣惟聖百官既正選及于上此政之所以成聖 俊有德周公之作立政以告嗣天子王非敢廢也后德 王廷之臣都邑諸侯之官典掌夷狄之吏莫非古士克 正之王克其宅心而已文王宅心有道施于有政則自

馬道以柔為體則以剛為用道以質為體則以文為用 宰夫之所待則故其所逆之士而理之大宰之所待則 六典以治邦國八則以治都鄙八法以治官府官成以 氈 譬則道之體其體不可外也宿次之中所以有氈案 道之所察所以立體道之所寓所以致用立體于中致 用在外故王大旅上帝張氈案設皇邸皇譬則道之用 揆其所逆之情而弊之 治萬民禮以治賓客而諸侯羣吏萬民還以治乎我者

たこりる ノスラー

演山県

遂廬也止可以一宿此皇所以見于邸殿 之為物質而能柔所以象道之體皇之為物文而能應 道以方為體則以圓為用道以圓為體則以銳為用氈 意不足以致其變張氈案未足以况道之體設皇郎 先王之事天神以謂不稱其道不足以當其意不當其 可以為常哉物至而應事已而寂莊子曰仁義者道之 所以象道之用雖然文米節奏道之所寫以應物者鳥 足以明道之用則有大裘而冕以為祀天神之服四圭

氣 鼓之為物以和軍旅以節音樂以正田役以作士衆之 泉其體道以質為體則以文為用大義家見所以况之 而坐作進退疾徐疏數之節在鼓而已 坐作鼓與之行止易車險徒先王所恃以却敵者也然 道以圓為體則以銳為用邸主蒼壁所以况之 天德東邱圭以降之所以象其用植蒼壁以禮之所以 有邸以為降天神之玉大裘以象天道大裘而見以象 者也車驟徒趨鼓與之進車發徒剌鼓與之戒車徒

炎三日車/Amin 一

演山集

ł

威天下以義不以兵革之利城民以禮不以封疆之界 鼓天下之民由道之大者而歸馬王之務也坐作進退 取萬民王之所舉臣之越走民之從服疾徐進止在我 疾徐疏數之節一時之教以待不虞而已豈足以語王 而 立政以為八柄以馭羣臣王之所掾立徳以為八統以 有節馬王之所御也故王固國以仁不以山谿之 故諸侯執鼖鼓軍將執晉鼓師帥執提鼓旅師執聲 而王之所執則路鼓而已 人とこれ 卷五 險

進 道故執事之大者謹度以事王故執事之大者而已 事之大者故戲鼓以鼓軍事而諸侯執之諸侯有君之 人思人道之大者故路鼓以鼓鬼享而王執之軍事國 四鼓之用莫尊于路莫早于整 則患怯退則患紛故軍將執晉鼓以銳其進卒長執

LOWD OF BUILD

故

鏡

行而節之訓習之始惟其訓習之始不可不慎其亂

兩司馬執鐸所長者寡所聽者詳故也節鼓慮其過

演山集

止鼓以肅其退鼓退而止之訓習之終鼓作而通之

金グロアとこ 能進者自為二千五百人所主而已晉則聽將軍馬故 差尤可慎者故惟五人而一節馬師師之于一軍有不 車 執 治 諸 師 治其吡也夫間有遂之類治其地也水能為田之利亦 野之法有治其此者有治其地者以下劑致此之 供而已 徒之衆驟趨馳走坐作發刺皆中其節諸侯軍將旅 提鼓而已 之取其衆也肅改鼓鼓以鼓軍事非王所務馬執于 類

諸 于車徒先王則使無妨于車徒有便于穀栗故萬夫之 聘衆見問問歸服賀慶致僧六者王致愛于諸侯者也 而 以達于畿則五涂下利于水上利于車徒矣路會十道 地為之五溝以致水利為之五涂以防水害會歸于路 能為田之害先王為之通其利防其害便于穀栗則妨 赴海敏朝覲宗遇會同六者諸侯致勤于王者也時 歸之畿川受十倉而歸之海民之達于畿也其猶川 侯以禮致其勤而王弗以仁致其愛則諸侯豈可以

をとうし ときす

演山县

分りし 治之 使之為正師司旅之用乃為八職以治之百工農婦 虚拘哉 智力能不未當相同而亦未當不相為用天之理也先 民而有力者也使之為王公士大夫之用乃為六職以 王 明其相用而為之制馬府史胥徒在官而有力者也 卷五十 在

有質而無文則物之用發有華而無實則物之體發在

有時在物有理在人有徳在世有事未聞偏立而獨

次三日至人三百 一回 素為質以質為本不可忘也素之在天為秋之序在人 詩曰巧笑倩兮美目盼兮素以為絢兮巧笑美目之文 岩者宣特繪事也哉 然見于面盎于背施于四體不言而喻人之文繡有不 夏則其文耳君子內視見素感物而出之其生色也幹 為性之質萬物至秋動者還靜華者即實然後及一春 **質喪則其熟以為文華哉故凡繪畫之事後素功者以** 得者也雖然文華去道也遠且以闡吾之實然而實與 演山集

六色之次以其五行之相勝而相用五来之治以其五 道 行之相生而相繼六色績以為衣者也衣陽物也君之 兮之視是則素以為絢者也此莊姜所以賢乎 見于容貌之間無素而徒致其文則趨于亂而已有誠 心之所樂然後有倩兮之笑有誠心之所向然後有盼 以其相用五来繡以為裳者也裳陰物也臣之道也則 以成形陰主順成以奉天道故其五来之序以其相 也則續以成象陽主造始以孳萬物故其六色之次 1 ころとりゅうにも 燕勞也休農息老物則君子不與功張皮便而棲鶴則 去害及遠中微然後以為功馬故張皮便而棲鴿則春 難中者鵠也先王當其役物使農與事造業之時為物 白質取其以義制人申德威也赤質取其以禮事上承 與未知其為味也 以功服猛去害所制者廣興事造業所建者備然後博 春以功猛而害物者虎豹也毅而害物者能也逐舉而 雜而章之工之巧也無素為之受馬其猶廢甘以和 演山集

學其大者故雖百工之衆一士可以治之 施文德懷柔遠人是故張五采之侯則遠國屬春以功 富之者也農夫餘力以長地財生之者也 以富邦國以生百物事職之務也商旅通四方之珍異 兼技以義兼技仰以他兼義王公以道,兼徳人之學當 技兼于事事兼于義義兼于徳徳兼于道士大夫以事 矣吾將息之遠國屬矣吾將燕之燕之恩也息之仁也 可發威與義以制服害物者故張獸侯則王以息燕 卷五十

勞心者治人勞力者治于人士大夫勞心而治之者也 次之農夫次之婦功次之六職為夫百工之事而設者 百工者也畏婦長地財治緑泉以養百工者也 日商買七日嬪婦九職之序也六職則先百工而商旅 百工商旅農婦勞力而養之者也一曰農五曰百工六 也商旅農務特為之用而已商旅通四方之珍異以資 演山集 主

してこ リー・ショー

金好匹人生言 演山集卷五十 卷五十

欽定四庫全書 謨 秋之所成冬之所藏有望乎東作之春以言人事則勞 于畫休于夜有望乎風與之寅此春朝所以圖事以陳 而春為一歲之朝者也此春見所以明朝以言天時則 天以六時成日而寅為一日之朝者也天以四時成歲 演山集卷五十一 而有夏宗以協愿而有秋覲若夫春朝諸侯而圖天 雜 說 宋 黄裳 撰

金丘匹库全書 萬物與于朝憩于暮則非相見之時也其見上也避近 事馬而後擅有獨見之明徐而應之亦已脫矣先王以 之時也協慮而已圖事則其協慮之致用數 謂人之心備有萬物物之體備有萬事然則天下之事 天下之事其来也無窮其變也無常其出也不測必有 而已萬物散行于春以生同歸于冬以存則冬非圖事 下之事非特圖事而已特以圖事為主 難圖也資諸人心而已人無二心事無二理心德或

糾力為之先馬先王欲使其民相保以信相愛以智 善以為王道以四海為一家以中國為一人益如此 邦之本在民民之本在耕耕之本在力田野功利益 **治侯平居無事之時王者之使相繼于道德意志應道** 游惰所能致者故大司冠以五刑糾萬民而野刑上 于事及其入王則又會而圖之次衆見以為王明合衆 之使知度量法則諭之使同好惡已壹于心用拾已壹 雛 則不足以致一心德或散則不足以應萬 非 相 耳 功

炎三百事人三百 一

.演山集

協 欲 者 養生之理人之智皆足以及之患在志輕而物重及物 而 貅 此其所稽則功事而已刑之所糾者力 以義相 有功學者有德是故先王近為之六鄉遠為之六遂 其無詐欺也使之相糾刑罰相及慶賞相共然後 已刑之所糾者孝遂非不教也以耕為主故其民謂 非 "則其智昏矣故為已之謀不若處風之得其所 不耕也以教為主故其此謂之民其所稽則行藝 と こき 明以仁相賓以禮欲其無流轉也使之相 老五十 聨 耕

氣不用之于怒潘之氣不用之于忘不怒不忘則為病 勝故使人善怒下而不上則滴氣勝故使人善忘心者 天之君神之舎而潘忿之氣當之則為病矣益夫忿之 忿者氣戾而不平潘者氣鬱而不通上而不下則忿氣 忽之際有物陳乎其前不能致其患威公以見鬼為不 治心虚則能照一則能辨静則能覺故錐疑互之間感 而已威公設治于所見遂為忿潘之氣養生之道當先 而病以殆乎伯為祥而病去是公之傷不見思也而

次三丁草二三

演山集

ノシェノロ 而氣使 病之且夫生死終始達生者將為寒暑晝夜之序而况 從水之道而不以為私忘水之淵而不以為險善游者 師 養生之志則踦于物而侔于天故物不能為之對其右 蹈 在公以得喪累其心爲故忿滀之邪氣得以當其舍而 其舍 之介數神王氣盛皆非養生之所尚養生至矣神 福得喪之所介乎其心正其氣平錐感忽萬態不能 どこう 卷五

者也陵實物也譬則事也水虚物也譬則性也方其習 之時必據事實以進馬及其習成矣然後適理之虚以 會道聖人生而知之則猶生于水而安于水賢人學而 也不務生之所無以為不務知之所無奈何善養其生 誤 人之道也性者天之道也孟子之時天下以故言性 矣孟子曰天下之言性也故而已故者以利為本故 知之則猶長于水益非生而知之即之于水則弱而已 矣然而故之在人可以成命亦可以滅命可以滅命 夏山県 則 者

金定四俸全書 乎故是也益夫故以利為本則安矣以至乎成命以害 者所謂去智與故循天之理是也可以成命者所謂 嶌 其故千歲之日至可坐而致也則故之于學者其可廢 為 操之也氣之凝神之天而至者也不敢懷非譽巧拙猶 梓慶之為蘇開天之天者也猶掇之也未嘗見舟而便 以利為本而已 本則殆矣以至乎滅命然而天之高星辰之遠茍求 物各具一天惟人所之馬病僂之承蜩津人之操舟 **表**五十 始

東 所 内重矣 旋 **痀僂者之處身執臂外重則內批其巧專而外涓消 痀僂者不以萬物易蜩之翼軟然忘吾有四肢形體** 理 而益措 無奈何其猶稷敷加性所無廢性所有益理以能 野稷所謂為則敗之者也務生之所無以為務知之 心稽則鑿矣為其鑿則心不一而物得以極之工 以偽皆非養生之所取 規矩與物化不以心稽其順與理相適其妙 二山東 5 虧 偛 緍 則

金丘匹庫全書 與神相遇 不能忘足則以履為足之累此優之不適也不能忘腰 表元十

應 則 是 此會之適也處會要之地以應方来之變茍或動心則 物故外從事能定則不內變物来而應則不外從事 非為心之累此心之不適也不能勝物故内變不能 以带為腰之累此帶之不適也不能忘是與非 則以

時而起後時而縮矣強則忽然弱則齷齪其能有適

四者適矣然而知其為適則有不適之患馬四者復

或言至人之攝生或言養生而後至入水不室蹈火不 矣間人之天而驚感入其舍不亦殆乎莊子之教天下 之事也達命之情不務知之所無奈何至人之德非休 之所及知而扁子遂告之則所無奈何者休將務知之 孫休之言不知命者之事也扁子之告孫休至于命者 虚其性明生理于是乎盡矣 不適有界適亦有累不適與適兩忘而意消然後其心 不適矣必亡四者之適然後未嘗不適馬忘適之適也

炎足四東在言 一人

演山張

潛 慶之為緣未當不自學習以致精妙是待好放之民爾 告之非将開人之天而驚惑入其舍則養生所主喪矣 檳 内 由 是以莊子之喻養生或言病隻之承蜩津人之操升 學而後致也養生之道惟患內輕與夫知之過其分 輕 則言其攝生者也病僕之承蜩津人之操舟則言其 行不室入火不熟行乎萬物之上而不慄攝生之至 逐而怨則外重矣而扁子復以休之所不及知者而 則心與物化之知過其分則以知廢理休不以遇 卷五十

1550

乾之位萬物之大始坎之位萬物之資始民之位萬物 逅 見乃其見之暮也朝而見之也專暮而見之也勤專而 為孫休計則姑使之重其內而已 江湖之上不得寄其生馬而况大牢之饗九韶之樂哉 人豈可為中下之流道哉以已養養鳥益雖深林之間 見之也恭遇而見之也忧人之情也夫以朝暮繼見避 以冬見為遇則春見乃其見之專也以春見為朝則冬 相遇比大賓之禮大客之儀所以親諸侯與

タイランローラー 人はかる

演山集

夏 悟哉六位之設三陽以元成位于春三陽以亨成位于 薄陰之下固者而為雨品物流形益得陰陽之和雲 物之終始益方流形之際其理已著矣豈俟飲入而後 陰 之成始為萬物資始者乾元也為萬物大始者乾道也 "弗先時而作弗後時而動因時乗理而進者也六位 澤以化者也有生斯有形有形斯有終有終斯有始 者形也元者氣也以氣統形然後形生而氣存氣有 陽陽中之陰下應陽之上達者而為雲陰中之陽 あ

ノラセガと言

Att. Jound Line 變化之道至馬是故乾元之御天也或乗見龍御之以 者殺壯者老此理之必然者始卒若環新故相代然後 人見乎其情其為是天也降而與物接其為上天也升 御之以止其為蒼天也則功見乎其色其為昊天也則 行或乗躍龍御之以進或乗飛龍御之以升或乗潛龍 以定分六龍以適變形氣之類弗革則窮弗因則絕隆 氣統天則天有化道以六龍御天則天有變道各正萬 而與物辨豈特雲行雨施品物流形如是而已邪以 演山集

金グロスクラ 之體首出無物萬國咸寧益由利正之中在人也有仁 太和 善 安其心馬非安其外而已 足以長人在天也有元足以長物天乾道之正性命也 物之性有善而無惡各正萬物之命有常而無幸無不 先王之治天下跌者内輔親者外輔价人維藩大師維 則無暴無不幸則無怨是故太和將殆乾道能保之 物之所同君子以其所同者而長之則其安萬國 將垂乾道能合之是故性有利為之用情有正 卷五十 為

兵革之利也米栗之多也所謂地利价人維藩大師 患也巨室之所樣一國慕之故也城之高也池之深也 有天下者不患無大師而無价人可患也天之予奪視 内外一心犬牙相制懷德維寧在其中馬是故价人願 垣大那維屏大宗維翰內輔者也宗子維城外輔者也 宗子願為之城 為之藩大師願為之垣大那願為之屏大宗願為之翰 民民之去就視乎善人者也不患無大邦而無大宗可

演山集

金厂工匠人 樂之實本于性根于心故凡音之起由人心生非作于 ·用五占用二五以天道言之二以人事言之先王有作 可違也卜筮不可違也筮可違也卜不可違也故乃心 垣大邦維屏大宗維翰宗子維城所謂人利有人利然 順天循理而已為可違哉况象者又其數之假數 **卿士庶人與筮之數或可逆者至于龜則有從而已益** 三從二逆作內吉作外吉二從三逆作內吉作外由人 地利為之用馬有先王之徳然後人利為之用馬 卷五十

變有所歸惟其有所歸在故其始作翕如也從之純如 單 馬聲成文謂之音此言聲有所變變成方謂之音此言 二者是也樂則生矣生則烏可已也烏可已則不知手 其中則鳴非祝求鳴于物也聲者心以應物者也 外物也外物為之感發而已人之心其循机與有物觸 也釋如也以成無方則不可比矣孟子曰樂之實樂斯 出日聲雜比曰音單出未之變也五聲相應而變生

しくいしつ こくしゅ

之舞之足之蹈之也治世之音安以樂其情有節其言

演山集

<u>+</u>

金ケロス 非 柔六者之感情動于中而形于心者也性所有也然而 義心感也故其聲直以廉愛則仁心感也故其聲和以 其聲發以散哀則抑故應以殺怒則楊故粗以厲敬 足以為樂樂生于夷曠故其聲彈以緩喜生于恆適 之未至也及其手舞足蹈而後至矣益未至于舞蹈不 别 有序樂夫仁義之性而已咏歌亦可謂之樂也然而 性言性則靜矣無六者之動言性則合矣無六者之 物能動人之情先王能制天下之物故物之所以感 さこ 卷五十 樂 則 故

則 倫 聽鐘聲則思武臣聽鼙鼓之聲則思將帥之臣則不至 同 所適則有禮以道之其行喪同則有政以一之其姦害 之莫不和恭父子兄弟聽之莫不和親則不至乎乖 四 人者先王能為之慎馬聲之所出則有樂以和之志之 至于乖絕無樂為之感通則至于埋塞君臣上下聽 理之于人同有于性同生于心然而無樂為之和同 所以同民心而出治道其實一也 則有刑以防之禮樂以治其內刑政以治其外其名

沙定四車 五言 一人

演山集

演山住		-		乎堙塞
海山集卷五十一				
				₹ -
		-	·	_

欽定四庫全書 演山集卷五十二 雜說 宋 黄裳 撰

怒有以責之也至亡國也不足以責之思其治者而已

哀其亡者而已黍離之詩是也政有得失則于物有善 惡物有善惡則于情有喜怒情有喜怒則于聲有美刺 下泉之詩是也怨有以親之也至亡國也不足以親之

故曰聲音之道與政通其君不聽則其官不亂則其音

大ラコヤンラー

演山集

禽 曰五者不亂則無忘還之音矣誣上則天下之誠心喪 不荒其財不匱則其羽不亂其羽不亂則其音不危故 聲變而為音故審聲以知音音比而為樂故審音以知 樂政者樂之安樂怨怒中活恭慢之所自作故審樂以 無徳有丈而無實故不知樂 獸有聞而無知有情而無丈故不知音衆無有知 私 政樂與禮同出乎仁義之實禮之實節文仁義之成 則天下之和心喪此亡國之音所以作也 而

禮者理也樂者節也以其樂為主不得謂之禮耳故曰 たこうらしこう: 遺味以德為音為味也先王之制禮樂也以極口腹耳 知樂則幾于禮心徹而為智智徹而為德偏得樂則和 反人道之正則內足而無待乎外矣故雖朱紅之濁疏 目之欲則雖極音致味不足以厭其志而教民平好惡 極音致味以物為音為味也朱統之有遺音玄酒之有 而 則樂其成而已然而樂之和已有節文在中馬子曰 有所流偏得禮則中而有所倚非所謂有德 演山集

金万匹屋人二百 節而後作 勝其欲是以先王之制禮樂也務使人以禮而後動以 越之遲三嘆之希元酒之質姐魚之腥大羹之淡足以 乎不善者也易曰繼之者善成之者性所謂率性之謂 乎不在不流其真則其用無乎不善道者無乎不在無 性之中含孕萬物之理率而一之不散其樸則其體無 而已矣故所謂習非所謂性 天命之謂性人為之謂習孟子曰天下之言性者則故 卷五十二

之謂也 言之也故修道之謂教率性而為已修道以為天下不 **湏臾離也雖竭步跳蹈之間不可離也惟其無不在故** 道之無不在也雖梯稱及覺之間無不在也道之不可 為天下後世計則道無事乎修矣 道者天也合而言之也故率性之謂道教者仁也散而 道則成之者性之謂也所謂修道之謂教則繼之者善

不可須更離

演山集

金ケセノここ 君子所以慎其獨也能慎其獨然後為已則能率性為 隱微之中有無不在道隱而見微而顯有必然之理 位乎上地位乎下而君子成位乎中馬不和則不相交 不. 道本道不在小亦不在大道不在高亦不在下惟過與 天下則能修道天下之道由中而生者也禮曰至徳為 不中則不相合 五禮制中以六樂致和然後能贊天地之化育故天 及然後道喪 巻五十二 此

安能至于此極哉 君子之道其微也在所不覩在所不聞其顯也在乎天 此為庸者之無忌憚也執中者害道之變此為中者之 Callo not date 君子有時中則有時不中矣此其所以為中庸更而不 地位萬物育茍非知道之無不在知我之不可須更離 無忌憚也楊墨失中子莫失庸 及中者也固者執中而不及庸者也執庸者害道之常 可拘續而不可窮其縱不流其守不固流者執庸而不 演山集

至德數 遇者太高而不及者太下非時中者固三者皆非所窮 者不及也 智者過之故夫婦之愚不可以與知此所謂愚者不及 中者人道之至神者天道之至 未能至道能中則無過不及能庸則無固此其所以為 智者行之然後愚者得以知馬賢者明之然後不肖者 也賢者過之故夫婦之不肖不可以能行此所謂不肖

金グログとうも

卷五十二

庸之為善也不知其為善則不知其為害故不知避與 莫之知避者不知罟獲之為害也不能期月者不知中 Strill not List 10/ 得以行馬 均天下國家能義而已解爵禄能廉而已蹈白及能勇 b 而已不可均而均之則傷義不可解而解之則傷康不 行道者故曰其大智也數回明道者故曰回之為人 知守皆非有智者 演山集 五

南 辭 金は、四下している 能弱不報無道所謂能強在金革死而不厭所謂能強 不可 而強不足以名之者以其能強能弱也寬柔以教所謂 君國之智北方陰險而主殺有強者之道馬君子之強 可蹈而蹈之則傷勇在乎爵禄也可辭在乎中庸也不可 方陽明而主生有君子之道馬生則子民之仁明 而勿辭之斯能廉矣在乎白及也可蹈在乎中庸也 不能弱能強則不流能弱則不倚 蹈而弗蹈之斯能勇矣 巻五十二 則

能 こううえい 其德有所不能者以其神其行孝弟之始行乎父兄之 用 富贵不能淫故國有道不變塞馬貧賤不能移威武不 聖人有不知者而况匹夫匹婦乎 間 顯 百姓日用其道故曰費日用其道而不知故曰隱費則 故曰聖人有所不知有所不能有所不知者以其神 諸仁故曰匹夫匹婦可以與知可以能行隱則藏 則匹夫匹婦其孰不知哉孝弟之至通于神明則 屈故國無道至死不變 演山集 六 錐

道孟子曰中道而立能者從之是故語君子之大者其 有 改 極高明者語君子之小者則置法以民制行不以已而 混成體 天地不為人咨怨而廢寒暑君子不為不能者而平其 離之而不可得也言其不盡人也欲即之而不可得也 不戾其情故天下莫能破此其道中庸者天下之人同 而不止則賢智過之愚不肖不及言其不遠人也欲 性而人之性同有一道君子之教則修是道而已 一妙用體變而不見其迹故天下莫能載此其 卷五十二

金牙ロだを書

願乎其在外者故素富貴行乎富貴素貧賤行乎貧賤 富貴貧賤在外者也吾無所加損馬莊在我者也以其不 顧言 謹則不易其言矣心有所造然後發為言行言顧行行 所求乎弟以事兄未能也則己先盡弟之道而已 庸德言行以徳行之為貴庸言言謹以言謹之為貴能 于人所求乎子以事父未能也則已先盡子之道而已 千萬人之情一人之情是也故施諸已而不願亦勿施

大三日事之言 一

演山集

イラフロール 所謂譬如行遠其道本諸身而己所謂自風父母其順天 妻子兄弟室家父母君子達此以治天下者也達之天下 以要之幸亦命也君子不以為命而謂之幸 子道其常小人道其幸道其常則以為善而後得福故 其貧賤不能移二者出于不願乎其外 無入而不自得馬不陵下以其富貴不能強不援上以 居易以俟之道其幸則以為不善而未必得禍故行險 上不怨天處已有命下不尤人處已有義莫非命也君 卷五十

者有新則有故無故而日新者其思神之德與易曰日 視之弗見無形也聽之弗聞無聲也凡麗乎聲形之間 そこりったこう 一人 舜傳之賢而曰子孫保之者天與賢則與賢天與子則 已體物而不可遺故如在其上如在其左右 新之謂盛徳惟聖人為能體道思神數能行之體物而 下順之 諧之而後可也舜所以為大孝 文王聖父也述之可也武王所以為達孝瞽叟碩父也 演山集

與子天下為公傳之賢也循其傳之子 舜言徳為聖人而武王不言者其避文王數此亦周公 尊為天子必得其位也徳為聖人必得其名也子孫保 樂由中出不可以為偽樂得其道而正樂與馬樂之由 思兼三王以施四事不及文王之意然而公之為盛也 禄位名壽因其材而為賢者也 之必得其壽也富有四海之內必得其禄也大德材也 不足以言徳

金ラログ

と言語

樂 次定の事(こう一日 人之欲 是樂也而樂有內外在外之樂無常其欲無已無常之 中出者也樂得其欲而淫樂與馬樂之由偽作者也均 道出而行義 成性存存非幻不滅道義之門闔則義入而歸道闢則 則惑而已矣 反情以和其志則以道制欲廣樂以成其教則以道制 不赴無已之欲則憂至馬物累其心又累其樂之去 演山集 九

善訓而同之益無難者合方氏通其財物以合其事除 為 械異制先王將使四海為一家中國為一人此非所 傳道當患其法不相通其情不相知其善不相聞自 者使之同歸于善而已四方之政事上下之志四方之 欲 以意致徳以神會道之人居則麗乎方動則麗乎形錐 谷異制民生異俗避速異齊飲食異和衣服異宜器 相感以情相聞以善不可得也然而先王將務四海 家中國為一人不亦難乎置官設屬使取四方之 ・ん とこ 卷五十二 非 同

事道上下之志以訓其情雖然子道而已欲得四方道 其怨惡同其好善以合其情此齊其政而已欲其從之 たれりられたる 一 予 觀新物而已 氏務若其情而訓之使人好惡之情好善而惡惡則亦 方正其始也新物使人志淫而好僻有戾于訓馬訓方 而 也輕則必有訓而後喻馬訓方氏道四方之事以訓其 訓之則其傳道爲可廢哉四方之傳道盡見于文辭 取而誦馬正歲萬物更新之時訓方氏則布而訓四 演山集 +

禮 為 禮勿動而使非僻之心報乗安佚以蹈其舎則無所 四肢之于安佚人之情也樂狗其情惡勞其形不能 僻之心無自而入是故祭祀朝會師田封建之時王在 至矣而况王乎天下視儀而動聽唱而應者也先王制 而其魚以正周旋中規折旋中矩進揖退楊而後鏘鳴 視有旒聽有續言有紀動有佩堂上之行門外之趨 佩左中角徵右中宫羽君明事物之意在其中馬 之樂儀以防其肆使聽其聲而其意以誠使顧其體 ホ 非 非

五路則其步趨之節責大馭馬五路之上王安佚矣然 君子之祭不盡志無以致飲不盡物無以致愛致齊于 者樂師之所教大馭之所御與有力哉 而聞采齊之聲則由吾于門外王之言動造次無非禮 而顧車之行而聞肆夏之聲則由吾于堂中顧車之趨

たこう巨公言

. **Q** 

減山集

物也三姓之俎八簋之實在馬其備陽物也民與之實

内心也其備小物也水草之菹陸産之臨在馬其備美

內散齊于外齊之日有所思祭之日有所見此盡志也

金ケレスとこう 碎言者也辟世之士其朱張與言行不見于天下孔子 伯夷叔齊避地者也柳下惠少連群色者也虞仲夷逐 惟聖罔念作狂則為僭為發為急為紫惟狂克念作聖 在馬其備陰物也草木之實在馬此盡物也外心也 門荷蕢丈人接與長沮桀溺之徒一方之見皆以孔子 不得而論之序在六民之中非夷也非虞也非惠也最 有求于世而非之者孔子所以論列四辟之士而見其 惟謀惟哲惟人惟肅此狂與聖所以序八者之間數 卷五十二

之運也往不窮于幽来不窮于明則亦推而行之而已 往来不窮謂之通萬物之理也推而行之謂之通四序 九己可是 八三方 志馬故曰我則異于是無可無不可 演山集

金少世及己是 演山集卷五十二

欽定四庫全書 第山集卷平江至

詳校官庶吉士臣具 妈

侍讀臣孫球覆勘 覆校官中書臣王慶長 校對官主簿臣汪日费 腾銀舉人臣曹夢齡

|べんのうという。|| 老者入死故窮則變少者出生故變則通往來不窮新 定四庫 題為同國 如 如 如 如 道 散 同國 Samo Chash 医西西克科 阿斯曼 中生出有象長育有器建立有法 S. S. Samonday 海山 禁 かい アンカンド 1. 日本の 冒天下之道不足以闕 黄裳 冒天下之道 撰 道為天

位而已 黃帝堯舜禹汤通其變使民不倦神而化之使民宜之 故相代故通則久夫窮則變變則通通則久易之道也 之吉無不利乾坤役使六子者也其言能變化成萬物 遵易之道者也不以人展天不以故滅命是以自天佑 所以不及天地其言山澤通氣風雷相薄則曰天地定 以其不及詳言常以其不及變典之為道要常而已 既有典常者易之書也不可為典要者易之道也言要

物之智不可遠也尊之如父親之如母其入以度使內 時務為主變動不居至惟變所適言易所以為道其出 書亦已粗矣然而不言法則何也以易而示他經則其 知懼則雖入無保如有輔翼之者其出以度使外知懼 馬故以同民患則有濟天下之仁以前民用則有周萬 為書猶主於道馬禮以世法為主詩以入情為主書以 典者道之降則者典之降法者則之降易之道至於為 入以度至既有典常言易所以為書易之為書有道存 舜山東

也故能與天地准是故形體之所覆載情氣之所交感 未嘗有始視之不見名曰夷聽之不聞名曰希易之道 為終始萬物入死矣天地未嘗有終萬物出生矣天地 迎之不見其首隨之不見其後易之道也故能與天地 無事中發其地別其泉寒供物之求而已 欲不能復炎其猶并與既潔淨矣無事乎洪既正固矣 未曾有餘未皆不足天地物之大者兩未離乎物而不! 則雖出無師如有教之以事者虚一之中真性存馬利 卷五十三

本反始以齊萬物之道道與仁相為左右道與物相為 道後之初九一陽來後之時萬物歸根之地其真也為 得喪六四與初為應從道者也上六述後狗物而往者 明之藏為物之復始其罔也為有之舍為物之資始以 反身自愛致靜而動之謂仁復本反始以齊萬物之謂 與物同為始終有餘不足夫何故也易有所與故也 人言之則反身自愛致静而動之仁以天言之則有後

急蒙五物之常若之聖人之治天下無在而能肅無僭 貌言視聽思五者君以仁民者也雨場燠寒風五者天 裁其有餘成其不足易曰裁成天地之道則成能乎其 物未曾極備而亦未曾極無數或有之聖人能以五事 而能人無豫而能哲無急而能謀無家而能聖是故五 以生物者也是故肅人哲謀聖五物之時若之狂僭豫 舜以禹阜陶為已憂故臣作朕股肱耳目特以命禹 中矣輔相天地之宜則成位乎其中矣

金口口屋人

卷五十三

無萬物之界故言其無滞礙則曰王道為湯言其無險 之路為惟辟作威言之好惡不作公生明夷曠之中遂 無有作好遵王之道為惟辟作福言之無有作惡遵王 者而舜或失之則一體廢矣為已憂也不亦大乎 **胚喜哉元首起哉持以諭皐陶夫禹皐陶與舜為一** 厄則曰王道平平言其無邪柱則曰王道正直 而歸之以立有極之本散而行之以致有極之用方其一 遵王之道則有作福之仁遵王之路則有作威之義會 スニアミンニー

會而歸之未始有好故能無作好未始有惡故能無作 人之於學有情然後好善有志然後向善情有好惡志 散而行耳 惡無偏無黨或見於公無及無側或見於正此則有極 惟窮理之學為能遜志學在耳目之間未有能遜者也 者也以向背之志向善而背惡則書所謂遜志者也蓋 有向背以好惡之情好善而惡惡則孟子所謂若其情 惟學遜志則有受道之資務時敏殿修則有致道之力

罔顯豈非志之所在有所未遜數故高宗之命說曰爾 乃來為其質有所受力有所致故也高宗之學暨厥終 學之序能辨志然後能遜志能遜志然後能繼志辨志 惟訓於朕志説之訓高宗曰惟學遜志 乎法也可異者法而已矣道不可異也首卿以道過三 求道之時也遜志從道之時也繼志會道之時也志於| てんしつ かれ とこよう 伏羲唐堯周公無成與虧者同乎道也有成與虧者異 道則無累志於仁則無惡 演山东

代謂之湯法異後王謂之不雅然則首柳所謂道與法 者異乎吾所謂道與法也雄之言曰法始乎伏羲成乎 錯綜其數偶者合之以奇奇者合之以偶生者斯成始 其之乎上者其數三天之乎下者其數两地象伍以變 之不得且無所由也無所居也無所行也無所止也及 相道者天相天者人道無形也視之不見道無體也搏 堯匪伏匪堯禮義哨哨其賢於首遠矣 者斯終積刻而為展積展而為日積日而為月積月而

倫也先後之不可亂然而九疇之類初一日五行非人 或居乎下言其分也或居乎富貴或居乎貧賤言其情 成有竒有偶有盛有衰有清有濁或相制或相順或有 也或居乎厚或居乎薄安其所居不相乖異此天相之 其道也或居乎小人或居乎君子言其位也或居乎上 餘或不足有生之類食息頻笑上下小大不能逃此言 為時積時而為歲有生類不能逃此五行之數有生有 也五典以叙五禮以秩其為奏也始終之不可窮其為 演山県

樂少之為貴多之為美諸侯之於天子觀天下之物無 少為貴者內心也禮器曰古之聖人內之為尊外之為 於天子膳以牲漬以少為贵也以多為貴者外心也以 天子施禮於諸侯以十有二年以多為貴也諸侯報禮 者辨之使治 之也叙者以傳秩者以庸不可窮者推之使通不可亂 所與馬敬用五事農用八政協用五紀建用皇極又用 三德明用稽疑念用庶徵安其所居不相乖異此人 多り口屋全事 卷五十三 相

之道也 稱馬 於諸侯為之牢禮之數而諸侯之侍王官也今百牲皆 祭帝弗用諸侯之膳天子上同乎帝尊貴之也天子之 簡故禮器曰先王之制禮也不可多也不可寡也惟其 具樂美之也蓋謂待王以多則為褻持百官以少則為 不矜而莊人之道也不言而信天之道也不屬而威神 可以稱其德者得不以少為貴乎郊特牲曰牲學弗食

金人匹尼在主 六刑為六行而設造言亂民之刑為六刑而設六行之 司稼一年之上不出飲法則其取財有義廪人以歲之 用以關計食非其格人以自養也為國備天時之變則 致民力而望地利可必也致地利而望天時不可必也 而國之所積厚馬其所取者弗多而君之所用殺馬 上下數拜用則其用財有禮天時之變其所生者弗盛 以耕計積為民應天時之變則以關計食 天時之運豐登中下未始有常先王以耕計積以仍計 卷五十 三

者孟賁告子區區言力之間何足道哉而公孫丑以孟 之勇不可為聚舉天下之辯窮天下之力未有能屈之 勝之有言者不必有德故告子之勇衆辯能勝之五子 不動心也以德有力者不必有言故盖賣之勇衆力能 孟賁之不動心也以力告子之不動心也以言孟子之 數不明造言者亂之也六行之俗不成亂民者害之也 所以言告子先我不動心者以鄙公孫丑之言數告子 于過五直逐矣將欲賢孟子不知其實甲之也此五子 演山集

先我不動心且未足以為貴則雖過孟賣遠矣何足以 卷五十三

北宫默之養勇知守其氣則養之有所在故曰孟施舍 守其氣而已不及自反知用其氣則養之無所在故曰 北宫飘之勇知用其氣而已不及自守孟施舍之勇知 之所養勇也孟施含量敵處勝與夫自反相似視不勝

猶勝與干萬人吾往矣相似北宫敷惡聲至必反之與

夫不可者拒之相似二子之勇皆不及是故曰未知其

惡聲至必反之且不能慮人而况於已乎然而皆末耳 孰賢北宫熟思以一毫挫於人若撻之於市朝此使於 心志之君也志氣之即也氣體之充也體氣之寓也人 馬曲在人直在我則雖千萬人吾往矣 本之則無如之何及之有知居之有仁行之有義此曾 區區之智者量敵慮勝能慮人矣不能慮已無嚴諸侯 區區之氣者孟施含量敵而後進慮勝而後會此使於 于所以為勇之大者直在人曲在我則褐寬博吾不惴 寅山素

過其所至則猶新生之續猖狂妄行驅而納諸罟撲陷 之氣時發於心君無志以將之則超蹶而已君子嘗使 其氣次志之所至志之所至為之限而氣不得以過之 将有行也任氣而用之持其志者心為之君而已 穿之中莫之知辟者衆矣君將有為也任志而用之帥 曾子自反言之則孟施舍量敵適足以為守氣曾子自 以北宫熟用其氣言之則孟施舍量敵慮勝為守約以 反乃真守約也言孟施舍守約所以抑北宫點欲其尚

卷五十三

心之所本告子之見既已誤矣氣之所本何所恃哉言 告子以氣本於心矣氣之不蹶本於心此固是也然而 則告子以心本於言矣不得於心勿以不蹶求於氣則 **賣言孟施舍之勇所以明告子** 孟子言曾子之勇所以自明言北宫默之勇所以明孟 ここうことに 曾子所謂勇故畧子夏曾子之勇孟子之不動心一也 屈則心動心動則氣蹶告子之言幸而勝天下之辨則 不惑故能定不動故能應不得於言勿以不動求於心 演山 集

言與氣之所本者心也心之所本者道也 言本於心矣不得於心勿求於言與氣然後其說具矣 告子之言所謂不必有德者也夫誰不可勝哉有德則 心之道也任志率氣以應天下之變志壹之患非特其 欲其防氣壹也則曰志至馬氣次馬欲其防志壹也則 曰持其志無暴其氣存適不通謂之志壹趨蹶則氣之 動也流行不通謂之氣壹迷誤則志之動也虚一而靜 可矣天下之辨有能勝之者則告子之心其能不動乎

知言氣集義所生而告子曰義外也非內也此其所以 氣趨蹶也反動其心則中之所主喪矣 哉以言生於心以義在內而已 言生於心而告子曰不得於言勿求於心此其所以不 知與故循天之理以直養而無害者也 復為精氣則合天地之德散為和氣則贊天地之化去 至大配道至剛配義無是餒也無是義道為配 不善養氣孟子曰我知言我善養吾治然之氣豈有他

之所生有與利之心則和氣之所生與利除害之心忘 **君子之氣復於仁生於義空於道有除害之心則怒氣** 餒乎中心之所畏言與義衛其外馬此其所恃以不動 也陳者自反而足者也告子外義徒行其氣而已能無 集義所生此益子之養氣也義襲而取之告子之養氣 者也其言不本於德其義不根於性欲使其心不動亦 則仁守其氣矣 卷五十三

			 	 -	 
こところう シュー					
演山專	·				
土		·			

金罗口上人 演山集卷五十三 卷五十 三

忘也不以其不長而揠之是勿助長也 欽定四庫全書 于不得於言勿求於心則心之所本在言矣心之所本 反在乎言則氣何望於心哉不以為無益而舍之是勿 貧賤不憂壽天不貳此之謂不感富貴不能淫貧賤不 正心誠意者養氣之道也思誠明善者養心之道也告 演山集卷五十四 雜說 黄裳 撰

Called Like

演山集

應 能移威武不能屈此之謂不動不惑故能定不動故能 ノンジャー 道者心之所本心者言氣之所本言本於心故以道接 而取之此配義也 配義氣合於神神合於無此配道也集義所生非義 義根於心心本於道故善養氣者其大則配道其剛則 孟賁勇於力曽子勇於義孟子之勇不可為衆合衆之 カ以抗孟賁之カ窮矣

哉亦慎所學而已 也則民有所懲故為天下之制有所勸則民知德而不 徳者仁也則民有所勸故為天下之表以怨報怨者義 本心者言氣之所本則告子之不動心也豈如是之處 義者也告子之心不待不感之年然後不動心之所本 へし・シー・・ 一個 仁者天下之表義者天下之制報者天下之利以德報 反在乎言而已告子之言不必有德使知道者心之所 氣本於心故以道配精神之氣配道者也中和之氣配 海山集

哉其利不可勝用也主義而言則利在其中馬主利而 あけて上人三日 士之見諸侯有二不見諸侯有二我為庶人也不敢往 利夫以仁義表制天下其利如此而况下化而為仁義 陷乎惡有所懲則民知法而不陷乎罪故報為天下之一 二也為實於他國不可不見之諸侯之未知我也我欲 見之我賢也我多聞也不當往見之此所謂不見之有 能奪之者何足計哉 言非特其利不可必得也義已喪矣義喪而得利則有

之屈人以從道者也仲尼開跡諸侯孟子之見孫惠王 道不遠千里而來屈身以伸道者也如有謀馬則就見 見之禮其義不可召者也君子屈身以伸道屈人以從 為義也是故行禮之際又有不可召之義在其中馬召 也不可不見之禮也不敢往見之為分也不當就見之 行道不得不見之此所謂見之有二也不得不見之權 之役則往役居欲召之則不往此行不敢見之禮其義 不可召者也將朝王王使之朝則醉以疾此行不可不

てこうえ ここ

演山原

義狗公利狗私士庶人曰何以利吾身則無大夫大夫 行於天下 之富貴也在道而不在予物患不得君耳不患其道不 利於下者也 將行道與是故君子之行止也在我而不在乎人君子 千乘之家此征利於上者也萬取干馬千取百馬此征 日何以利吾家則無諸侯是故萬乘之國弑其君者必 利則人所狗者欲先義則人所狗者道欲無窮也

シラロアノニー

卷五

獸食人殺人以政豈特無後之報哉 不奪不賢及其狗道則求之在我矣不患乎其外夫誰 之道馬夫象人而用之報施之禍猶至於無後而况率 者不仁而不可為也故孔子謂為勢靈者善蓋有仁智 始作俑者象人而用之於死者不智而不可為也於生 與為奪哉 不可以必得無窮之欲不可必得之物相逐於外是故 てこうえ こと 經始勿與至於庶民子來則知文王善得民之心應應 演山集

之和物性之順寓諸形聲之間而已然則靈沼之樂又 攸伏至於於物魚躍則知文王善得物之性處業維樅 宣勢力所能為哉 治亂譬猶治病不治其病之所在即其本根而治之斯 有愛惡斯有是非有是非斯有得失有得失斯有吉內 氣相求所謂類聚有聚分斯有親疎有親疎斯有愛惡 本乎天者親上本乎地者親下所謂犀分同聲相應同 至於朦瞍奏工則知文王之樂非以為偽也無収人心 老五十

言仁政之類無恒産而有恒心至民從之也輕此言發 任者皆欲立於王之朝至欲疾其君者皆欲赴想於王 平氣脉之疾無所資馬其為醫也用力也寡权功也大 善治病者也故病在脉則治之血病在氣則治之衛 中言其所先而後言其類蓋懼齊王以為王政之難行 政之先在乎制民之産而已孟子之說齊王先言其効 此言仁政之郊五畝之宅樹之以桑至可以無饑矣此 而捏其志也故先言其効所以悦之王政之行物有本

得齊王願輔吾志之說則吾言不瀆矣故次言其所先 末事有然始孟子又懼齊王失所先後而忘其本也既 孝弟之義仁政之効先言天下仕者皆欲立於王之朝 者仁政必本於農孟子方與齊王言反其本則農奚可 飽食逸居而無教則近於禽獸故卒言謹庠序之教申 而後序其政事之類以進馬仁政既行則民有常産矣 而願立於其朝而後商旅次之農次之農序商旅之先 而後農次之商旅次之孟子後此又言天下之士皆悦 卷五十匹

常産而有常心者惟士為能王政雖本於農而得士心 之所願尤不可後是故農與商旅莫能先者尚志之士 後不可不辨也天之子奪視民民之去就視士蓋夫無 而為說及言仁政之本以教齊王之所為則夫緩急先 心養民之政六府外養其形三事內養其心然而先王 窮不失義不以饑渴之害為心害者故無常産而有常 近遠為之序凡為列國諸侯言之可以序其內外近遠 後哉農序商旅之後者特以前朝後市門開田野內外

烏有不喪者邪 雖致三事之所養猶先六府而况後世六府不修而望 所養非特七人而已是故百畝之糞上農夫食九人 耕者之受田未至乎七人未可以受上地然而上地之 物能累其形物去而形憂物來而形悅茍無常産其心 次食八人中食七人且夫上地之所養至於九人而七 其民不為放辟邪侈不亦難乎不學之民形能累其心 受之者先王制民之産嘗使有餘雖或天時之不

卷五十四

家者孟子之侍梁惠也異乎齊宣故曰八口之家足以 食五人以言數口之家可也及說齊王則斥言八口之 家生息或過其數又有養馬故曰明君制民之産使之 無饑而可不足以言之孟子之望齊宣也重乎深惠故 死亡其此乎然而盖言無機矣中食七人次食六人 仰足以事父母俯足以養妻子樂歲終身飽五年免於 日數口之家可以無饑矣而八口未可以言之夫何故 不給者有助不足者有補派轉之患非所恤者上等之

充之則足以保四海梁惠之去齊王不亦遠子發政所 多好四度全小 者則五十與馬言七十者則五十之父置矣深惠之不 梁惠也梁惠由此而充之則不足以事親齊宣由此而 也是心足以王者齊宣王也以其所不愛及其所愛者 暖不飽謂之東餒文王之民無凍餒之老者然而言老 食肉黎民不饒不寒然而不王者未之有也曲禮曰五 至亦度其力而已是故孟子說孫惠則曰七十者衣帛 文服官政孟子曰五十非帛不暖七十非肉不飽不 卷五十四

足是故盖子之教齊王亦約八口之家而言之八口無 人者孟子止於八口尚有意乎上地之所養足以及九 衣帛非持七十者爾五十者與馬然而上農夫有食九 仁五十者衣帛未可必也七十者得之可矣齊王之仁 饑在齊王之政已過甚矣尚安敢窮其所養而望之邪 則有餘力然而五十者衣帛七十者食肉仁在父兄之 八口之家可以無饑則有餘財頒白者不負戴於道路 而周制且有七人受之二人之食以為有餘備其不 廣山集

義之類逐至親人之親長人之長五子曰親人之親長 オニノロート とう 第之義善之本也其利不充仰不足以事父母况妻子 間八口無饑仁在一家之內頒白者不負戴於道路仁 亦不可使利勝之後世之利為善之冠而不能為善之 之之術孟子之說諸侯在所先馬雖然利能養善而善 乎其善不充近不足以事父母况四海乎是故富而教 五畝之宅樹之以桑利之本也謹庠序之教申之以孝 人之長而天下平然而既富之後庠序之教奚可廢哉 卷五十四

之全故教官以成德不仁也無禮不智也無義禮者節 應人而有言以表人而有行無言以應無行以表非德 輔者利强於善而已無名之道立為綱常而有六典降 文有體而無用非道之全故治官以成道無待之德以 為大要而有八則八法之詳則又其降者也有本而無 政官以成聖五刑除害去累故刑官以成義百工明法 耳以謀之口以命之施於有政然後聖人之道具馬故 文仁義者也故禮官以成仁內與天同德下與民同患

勒以萬民為馬 舉先王之馭天下以六官為轡以治教禮政刑事為街 道德仁聖義禮非六典不成治教禮政刑事非六官不 為本政以聖為本刑以義為本事以禮為本 顯度故事官以成禮治以道為本教以德為本禮以仁 之為書於周之時有之無事之文至周而備是故處夏 典之為書於虞之時有之則之為書於夏之時有之法 名道周無而用之繁者以法治之簡者以則治之大者 卷五十

義以為制者也諸侯之於國也有君之道諸侯之於王 典者立道以為經者也則者明理以為約者也法者行 以典治之至於有法其詳至矣後世有作無以復加馬 而已取言其治之意治言其取之事邦國治之大者王 治官府言治之用其别有八而八則之治都鄙則言即 無自制者天子賜之八則使之有所揆馬是故八法之 也有臣之義制節君之道也謹度臣之義也以其制節 不以法則治之領其大常而已都鄙之君在王之畿內

寅ム県

之降至詳於法以至詳之法治至煩之事故其能無敗 迹 無窮之務無常之變有求於先王先王以道揆其情與 不能自任太宰不得專聽是改治邦國以王為主太宰 則佐之而已主者之務所好者要而詳不與馬則八法 八法所以先治之然後責其事百官府至繁於事道 則非王所行矣所治者大而小者不與馬則官府都 則設官府治之先王懼其為累所因而莫之釋也為 非王所任矣

重安工屋 至三年

卷五十四

管仲奢晏子儉宰我易曾子戚奢則過分易則不及乎 節文然節文奢易尤禮之所急 遂至於無君則禮之本喪矣禮之於戚儉未嘗不為之 無父禮之所本君父而已為君而節奢為父而文易孔 **愛過分而充之則至於無君不及乎愛而充之則至於** 下君子上不偏下下不僭上然而偏下妨俗而已僭上 功其善無廢職 白管仲賢大夫也而難為上晏子賢大夫也而難為

金牙四庫全書 儉之愛物也篤成之親親也為禮之所本者也進儉而 予制禮為夫奢者過儉者不及易者不及成者過次後 退戚力禮之文是故小過之時君子過中而厚下喪過 也易不能親親看不能愛物仁之端喪矣求為節文豈 奢易近乎不仁狗情故也孟子曰禮者節文斯二者是 有禮為之節文雖然禮為奢儉易戚而制儉戚近乎仁 天下之用皆在儉奢之中喪在易戚之中則聖人何事 乎哀用過乎儉亦以儉戚之篤於愛軟 卷五十四

	亦難乎 仁則節文之者無所用樂之者無所出矣欲遂其志不 於禮成於樂學者之志節文斯二者禮樂之道茍或不 於禮成於樂學者之志節文斯二者禮樂之道茍或不
--	--

.

:

演山集卷五十四				950
				曹 王丁 四
	-			

欽定四庫全書 醫非敢肆也凡齊則放食醫之所眠凡和則放食醫之 德則慎言語養體則節飲食觀易之頤而放周官之 飲食所以養人而養之過卒以害人而已是故君子 相無五行之氣不能無過不及天有四時人有五臟六 所多凡會膳食則放食醫之所宜蓋謂五行之用不能 演山集卷五十五 雜説 黄裳 撰 食

一一一一一一一一一一 而生育得暑而長大得凉而収飲得寒而堅實一氣 腑温凉之氣陰陽之中寒熱之氣陰陽之盛萬物得温 發散而以不及馬 夏能解緩而堅不及馬秋之氣 収 而遺其四養其一腑而遺其五熱勝而病陰寒勝而病 也彼務愜適苟從其私不知其實害之不亦賤乎春能 則物受其病馬五臟亦然四齊相展則或養其 不及散冬之氣堅栗而不及與在人內有腑臟外 **夫飲養陽氣則宜以温食養陰氣則宜以寒固其理** 臟

之所以調敏或言四時之氣各欲其強春欲木强夏欲 調與竅者氣之所由以通者也竅不利則氣窮馬此滑 醫則養內五行無土不可四味無甘不可此甘之所以 甘之在內則養脾在外則養肉蓋於食醫則養脾於病 多處其不通馬滑所以調之處其不和馬甘所以調之 堅解緩也秋多辛散収飲也冬多職與堅栗也四味 骨肉筋脉感其時風無不然者一時之氣有所不及先 王則過於一味以救之是故春多酸以發散也夏多苦 寅山东

之於五臟如此則一身之所患然則五臟之於四時可 火强秋欲金强冬欲水强其勢少弱則他氣寒之矣木 之庖人致其所制者為之使馬故膳膏香益木之强耳 先王以為五行之於四時如此則萬物之所患将五行 乘則冬令以行春之正氣不獲以為生馬五行之病也 為火所乘則夏令以行為金所乗則秋令以行為水 夏多苦所以即火而强之庖人致其所制者為之使馬 以時致其强哉是故食醫之和春多酸則助水而强

宝好四人 全書

味也寓於四味而調之所以强土養脾而後脾能運是 之所用均於四時者土之為物也是故脾土屬也甘土 膏擅運四味之所養分於四臟者脾之為物也載四行 故膳膏臊益火之强耳秋多辛其膳膏腥冬多碱其膳 四味以行馬然則五味之用不亦大乎四齊所眠不失 者也養人之形精不足於養則氣衰形不足於養則氣 以為膳者也養人之精絲黍稷梁麥於地産也以為食 其時矣四和所多不失其節矣牛羊豕犬鴈魚天産也

以害之耳是故會牛以徐會羊以泰會不以稷會大以 盖用百有二十品珍用八物醬用百有二十種養王之 形為氣之宅凡王之饋食用六穀膳用六柱飲用六清 梁會 赐以麥會魚以於天產陽也有以宜陰地產陰也 則又會其所宜致其所養所宜或失馬則其所養造足 始然則膳食之養不可相廢膳食之宜不可相失食醫 欲可謂備矣無禮以節之溺志於嗜欲作陰德以為淫 有以宜陽是故天産足以養精為氣之母地産足以養

後能以禮義養人之欲馬所謂君子者其智足以君國 其德則天下致養於王者遭足以累之王何以治野人 是故王心常清不為物所淫王體常寧不為物所傷然 **那作陽德以為倦怠以物累其形以形累其心以心累** 其仁足以子民勞心治人以報野人之所養者也觀王 邪凡齊所眠凡和所多凡會所宜節王之欲可謂備矣 大者未離乎形者也大而化之因形移易能大能小能 所養則鳥可不為已者以制其欲哉

處者也 而言之 九五之大人九五利見九二之大人君臣而並父子而 之知進退存亡則言聖人者以其能伸能縮能隱能顯 故萬物觀則言聖人者以其能天能地能陰能陽而言 常能變天地日月四時鬼神欲與之合而不可得也是 道無為也故能鼓萬物道無名也故能命 堯舜禹君臣也而並文武周公父子也而處九二利見 能鼓萬

金玩四座 全書

之占通變之事不測之神能命萬物故大業自其富有 物故有富有之業日盛之德成象之乾効法之坤知來 自其成象而謂之坤自其効法而謂之占自其極數而 道無不為也故能鼓萬物道無為也故能不與聖人 謂大業通變之謂事則皆顯諸仁之類神也妙此而已 謂之事自其通變而謂之神自其不則而謂之富有之 而謂之盛德自其日新而謂之易自其生生而謂之乾 憂天法道故有所成地法天故有所形人法地故有所 同

先行君子之言而後從之誠服君子者也子貢有言矣 制乾以造始而成象坤以代終而効法 未必有德則有愧乎君子矣聖人欲其從君子也且見 物未有無儀則者使之不亂且亡則在乎聖人成能而 四時之運萬物之化無則則失節無儀則失文四時萬 也無德其從君子也無至誠之心是則子貢之與與 君子之言皆有實用非尚言也所以教子貢之獎其言 已先王之時由庚萬物得由其道崇丘萬物得極其高

金牙四屋 全言

表五十五

於癸生於子長於甲達於乙盛於丙陽之用事至此極 治內米薇以下治外有禮以致中有樂以致和中以裁 成和以輔相然後三者之詩作矣儀則道理以為文者 無消無飲則夫化生之道幾乎熄矣是故一陰之生至 矣長極則成盛極則衰盈極則消生極則飲無衰無殺 也與則道理以為則者也一陽之氣好於五始於亥徹 丁而復陽成則四時用事左陽也所以即殺陰作成物 寅山耒

大由儀萬物之生各得其宜豈一日而致哉天保以上

揚子曰庚斷甲義斷仁夫春無秋不能成物仁無義不 始之意往來出入不可窮盡夫是之謂萬物得由其道 斯革是故以辛承庚則有更新之意以壬承辛則有後 始之相因猶東西之不可相無也然則庚之為天則也 能立道木無金不能制器素問曰水火者陰陽之證兆 則不窮萬物由是去去而作寂寂而後故者將新因者 至已而成馬則陽既事矣故至庚而更之更則不拘續 金木者生成之終始蓋有金為之終則有木為之始終 卷五十五

為大崇丘言地之聚而高者也又有中馬由庚之後萬 至矣物之去來或者窮之則其勢不能為高其體不能 然而高大之極豈可亂哉由庚則通由儀則和形色有 者由東而能小作者無妄行者無過斯有高而中之意 就馬斯有聚而高之意高大之物高者由庚而能下大 物藏於冥舍於罔然後長於甲盛於丙以至戊巳而成 相應有聲相求有氣雅者期潛者躍大是之謂萬物之 類名分有等高下異勢小大定位禽獸有群草木有立 與山美

員乾道之於四時自甲而化生由庚而變入天地之 生各得其宜易曰氧道變化各正性命保合太和乃 道合之然後性之用足以致利情之體足以致貞莊子 然萬物循理而來循理而往性無不善萬物無暴命無 不幸萬物無怨是故太和將殆乾道保之太和將乖乾 有文軟是故崇五之此以其高大而中由儀之賦以 形體保神各有儀則謂之性豈非由庚而有則由儀 順利而文先王之世事與理協聲與政通崇丘之比 自

金罗口屋 在三百

北數之所授不可逃也然而五行之逆順四時之邪 正 在物為五類以至五臟之動五志之盛衰五聲五色之 暑燥濕風在地為五行而有金木水火土在人為五性 陰陽之數器其支為辰其幹為日在天為五氣而有寒 由儀之賦未嘗廢也嘗謂陰陽者五行之道理五行者 萬物之得失報子人道而已文武之治羣臣宴嘉實朋 有禮結之有信仁不偏愛義不偏物樂在得賢而與之 友兄弟故舊師役無勞之中思之有仁利之有義待之 廣山集

之政天患在性萬物鄙滞而由儀之詩縣春令在秋天 盛華泰之豐特富於物已未足以報先王也乃言陰陽 五內不相與五聲以和五色以正五類五宜不耗而育 萬物得其道理然後其報至馬天下之衆五志不相傷 南防之孝白華之廉視儀而動編為爾德故雖魚麗之 諸夏衰禮義熄然後四夷之無禮義得以勝之猶幸 地不革而由庚之詩廢天時人事靜不在道動不在理 協應先王之五性顧不美哉厲王之亂不明先王內外

其賜矣故其詩曰天生然民有物有則又曰柔嘉維則 樂於獨而不樂於與人樂於少而不樂於與來非好樂 物得由其道馬及其亂也南有嘉魚則後子由庚南山 之盛時由庚之詩在南山有臺之後以示得賢然後萬 王之知務任賢使能山甫得以儀則推而行之天下受 令儀令色上以相天下以成物此中與之道也方先王 道理豈非後賢至於此哉 有臺則後子崇丘然則厲王之世陰陽不正萬物失其

心與性無以異於今人何獨至於今樂而疑之哉古之 之甚者樂之實根於人心本於人性其來久矣古人之 樂豈固有他哉文米節奏教民樂斯二者而已矣孟子 性遊矣孟子曰仁之實事親是也義之實從兄是也禮 民仰足以事父母而無不相見之憂則仁之性遂矣旁 之實節文斯二者是也樂之實樂斯二者是也先王之 足以友於兄弟俯足以養妻子而無離散之厄則義之 日樂民之樂民亦樂其樂與少樂樂王固知其非與人

鼓樂田獵與民同樂則王樂於獨少則亡書曰有一於 樂樂王固知其是而王樂於少而不樂與人者持其私 母而無不相見之憂旁足以友於兄弟俯足以養妻子 樂也何以能田獵也則王之道存馬使民仰足以事父 欣然有喜色而相告曰吾王庶幾無疾病與何以能鼓 道固非迂遠而難為也使民聞其聲音見其田獵舉欣 此未或不亡以其禽荒嗜音不與民同樂而已王者之 狗安供為之敝耳孟子所以為王陳民之憂喜而告之 寅山耒

故以小事大者畏天者也不以物累我不以我累道所 非商求於下民惟民歸於一德其無對也民自服之詩 謂有道也非仁莫能得之不以物累我而物忘故無求 小事大仁者有道故以大事小者樂天者也智者有命 而無離散之厄遂其仁義之實則古樂之道存馬 仁者求已之盡故能以大事小智者度已之盡故能以 天下雖欲忘我而不可得也其無求也民自歸之書曰 不以我界道而我忘故無對兩忘之中無愛無心是故

金好匹屋 在十三

於為善是所以保其國以甲陵尊則犯天之威以弱勝 强則犯人之威未有能保其國者也 謂有命也非智莫能及之在上則畏天之威在我則强 好今樂也孟子不闢之以古樂則曰與百姓同之而已 貨也孟子不開之以義王好色也孟子不開之以德王 王好勇也孟子不開之以仁則曰王請大之而已王好 天下分有貴賤時有窮達不以甲犯尊不以弱勝强所 曰商之孫子其麗不億上帝既命侯於周服是所以保

情則可以售吾之言下不違民之情則可以善王之政 其情而為之斯善為政者也而人情之所同者今王之 勇也利也色也聲也四者人情之所同好為政之道本 两得之矣於勇也大之則仁在其中馬於色也與百姓 所獨孟子解其所獨之般而同之於天下上不逆王之 馬於今樂也與百姓同之則古樂之用在其中馬旨深 同之則德在其中馬於貨也與百姓同之則義在其中

金灰四库全小

		26.74		-	
淚工集					
<u>\$</u>					

海山集卷五十五				
				卷五十五
			· .	

THE RESERVE OF THE PARTY OF THE

義也齊宣王問孟子曰賢者亦有此樂乎而孟子對之 欽定四庫全書 日有人不得而非其上者非也五子非王之獨樂 示吾 不得而非其上者無命也為民工而不與民同樂者無 演山集卷五十六 雜説 宋 黄棠

之道也樂民之樂憂民之憂是以不求之而已樂以天

演山集

2 (1) Just 11.1-

非為乎不得而非之也非求於下民惟民歸於一德王

大豆里下人人 之天地之化在乎象數之中者也過則絕物惟其不過 生之續猖狂而趙未知其所定止也 易盡變言道在神易之後者以其攝用無莊老之言道 神無方易無體一陰一陽謂之道聖人以道體常以神 象之所可及者聖人能範之數之所能窮者聖人能圍 也合神與易而言之似惑其說此後之學者所以猶新 者未之有也 下而民與之偕生憂以天下而民與之偕死然而不王 卷五十六

思神大不違乎天地此智所以周萬物 變是故知思神之情狀與天地相似故不違幽不違平 嘗相離也思神其能離天地乎是故精氣為物遊魂為 物也天地也鬼神也通乎一氣物者氣之聚鬼神者氣 此所以曲成萬物 之散道之用幽為鬼神顯為物大為天地天地萬物未 物生則魂藏魂遊則物變蓋惟精氣散而弗聚無所 此魂所以遊

金牙四屋 全書 情則温柔得詩之性則敦厚 繼之者善而道有用成之者性而道有體百姓日用而 不知故君子之道鮮矣以其成之者性 人逆旅萬物為道一偏衆人為萬物一偏 衆人萬物役之賢人五行役之世人為物逆旅物為聖 其形形不勞其生 吾無為也有為者理而已矣是故時不勞其事事不勞 樂之從也宏人為廣博樂之純也移入為易良得詩之 卷五十六

為澄徹以至乎無遣然後善之 養心莫善於寡欲欲之動也遣之有志馬之為虚空之 以和同天人之際 精者天徳之至也神之又神而能精馬精之至也 所學至於窮理則絕之所得至於盡性則壹之 同功者非誠仁也其仁未可知也與仁同過者利仁者 與仁同功者或利而行之或畏罪而行之其情不同則 てこりュ ここ 理而得利天之利也行義而得利人之利也此其所 演山集

懼其有害馬吾知其不能也强仁者懼其有刑馬吾知 視之弗見聽之弗聞故聖人曰盛徳鬼神亦曰盛徳 倚 **寛柔以教不偏於强不報無道不偏於弱故中立而不** 聖人不生亦不死故其生曰神其死亦曰神聖人之道 其周公歟一人而已 其不能也則同遇者誠仁矣其仁可知也與仁同過者 雨露既濡萬物感陽以生霜露既降則萬物感陰以死

多プロアとうと

卷五十六

是謂弗智 送往之哀而不及樂是謂弗仁有迎來之樂而不及哀 其親且謂其與萬物而往矣故哀以送之孝子之祭有 萬物以生之時君子不忍致死於其親且謂其與萬物 萬物出於一入於一出入之中坤元用六以成之乾元 而來矣故樂以迎之萬物以死之時君子不敢致生於 以老老者不則之以死天地之道豈能無窮哉則者天 用九以終之非特終之也又使後出於一壯者不則之

とこうしたいう 一

演山集

きいとし 盖謂無王之道也無以辟四方無國之體也無以容萬 六功之臣約在宗奏記在簡策先王以為未足也銘書於 理以為約者也 遷善遠罪而莫知為之者於是乎勲立由國功而推之 大常确賞於鄉錫熊於堂先王以為未足也祭於大孫 無以戡亂予有臣馬由國功而充之上達於王則使民 民無民無與守邦無事無與應物無治無以與利無戰 達於民則通其變使民不倦於是乎庸立勲庸功之 ر ج

負有數於心而已未必勞力使王足以有臨使國足以 大者上之於王則通乎神下之於民則通乎義不可以 有容民足與守事足與應治足與富戰足與安則予答 辟草來任土地有能於力而已未必勞心多等勝少等 有加馬勞之為功內則勞心以應事外則勞力以集事 大常之用王屬天下而役之天下視王而從之者也屬 盡其心馬 臣何敢略哉論誤其功書於王之大常祭於大烝然後 演山集

常之於六功不然而已當其天下視而從之六功在其 為常法天而體道者也以祀也則以天道交之以討也 金に口屋といる 天下而役之天下視王而從之在乎法天而體道日月 也則以天道明之以教治兵也則以天道威之然而大 足以言物也物成於秋享則當物而已至冬而大進內 固先王之意也春享主於桐夏享主於編有物存馬未 上馬孰不知吾臣之有才吾臣之有德以至於是哉此 則以天道正之以朝諸侯也則以天道臨之以紀成績

2220 101 2:31 盛與以勞定國國功也法施於民民功也以死勤事事 光與入知之幽暗之中使與先王偕崇與神知之顧不 節不疎其儀不略報功之至也顯明之中使與日月齊 享則失之太數配三年之禘則失之太疎祭於大烝其 大孫其猶冬教則言大閱數先王謂以六功配四時之 盡志矣外盡物矣此孫所以為大馬然而冬享則謂之 功非羣臣所能為故特賜之以重祭周公之功非萬世 功也能植百穀治功存馬能杆大患戰功存馬周公之 演山集

所能廢故持祀之以大禘一杰之報未之盡也 金罗正屋人工 爾子翼作股肱心膂織乃舊服無恭祖考其言從享者 其見銘書者以勵其後則曰厥有成績紀於大常今命 商周之王當稱其前人與我先王胥及逸勒服勞王室 名以衛王室兹實有激馬梁之修之唐之韋挺見給於 王爾祖其從與享之然則六功之後有能出力以就功 以勵其後則曰世選爾勞予不掩爾善兹予大享於先 月遂以大然附會於五載四時之然三年之稀皆弗

坐於庭其輕之也無禮 俟民而克六功之建所歸不同而民實有力馬然則凡 與馬自是功臣之食疎矣唐配於給其疎之也無思漢 地食者三之二其民可用者家三人中地食者半其民 王俟民而尊國俟民而固事俟民而立治俟民而成戰 用者家二人可以賞功 可用者二家五人則以任民下地食者三之一其民可 領賞地安可取其中上之地而 屬民以瘠惡哉是故上

えこりら ハルラー

演山集

於下地哉然而三等之地一夫一婦受田百畝賞地之 二十五畝則卿以下食其半矣士有士田矣又有稍食 過十二米地在馬卿以下必有圭田圭田五十畝餘夫 近郊圭田在馬遠郊二十而三賞田在馬甸稍縣都無 賦二十而三不亦異乎蓋頒於六功則賦自六功而上 以為不賞無以進功則三之一食得於常禄之外何歉 以下有米地矣又有圭田則亦何事於賞地哉先王

之正之歸諸受田之家而已加田無國正也不為過優 近郊之税可以已矣則夫加田無國正也不亦宜乎征 三之税地之所受已次乎中等之家國之所取已重乎 以其有三之一食不為過薄以其有圭田米邑 先王以德報之則有三之一食以義取之則有二十而 惡之地而差之封建之地其食之者三之一則以尊早 者山川之餘則食附庸馬然而賞地三之一食則以美 五等之封或食者半或食者三之一或四之一其不食! これいりいん シュー

之用稱其作德而已是故王朝之臣列土之居位不期 先王賞六功之臣 則內有六鄉之地禄五等之君則外 之爵多寡之禄差之 騎禄不期侈去驕以恭去侈以儉無以徼幸作偽而為 有三等之土其地與民足以共貢賦備役作賓客祭祀 裂土而與之鎮服新造之天下以功而侯百有餘人王 淫恣者先王之賞不亦仁乎漢與初定高祖論功行賞 八國其始大侯不過萬家小者五六百户及其民

之夫月令日孟秋行夏令則民多瘧疾此感四時之邪 盛德不以賜馬然而周之制內則有六鄉之地以進六 快淫嬖大者不庭小者不刺其賞實資之齊無五侯之 户息大侯或至四萬户者小者倍馬漢莫之制子孫驕 **瘸疾之作或感四時之那氣或自養之失素問日夏傷** 地魯衛之封各四百里自非太公之功魯衛之親且有 暑其病在秋為痎瘧秋傷濕其病在冬為咳嗽此目養 功外有三等之土以封四國安得而不議哉 演山集

使萬民無寫疾而有以養之疾寫之醫所以養萬民之 氣先王之於時氣不能使之無邪而有以裁成之不能! 疾為之禮義之政所以裁成其時氣而又為之膳膏齊 醫師成終則精其醫事以制其食故疾醫死終則各書 和使嘗放馬所以維持其五臟六腑仁民之政也 種肠潰瘍內作之疾也金獨折獨外作之疾也古之治 其所以而入於醫師 病移精變氣祝由而已移精變氣自內治之故不假毒

有禮以其所取無義而却之則失已於介矣是則而後 於的矣是可以不交者也且自辱馬取民無義而接我 於鬼神者不可與言至德情祝以去之拘於鬼神者也 風所乘是故先王養之治之備矣以神治之則有祝由 樂祝由自外治之故不假針砭後世淳樸散懷易為邪 取民有義而接我無禮以其所取有義而受之則失已 流賊天理窮入欲而有是疾馬恃祝以去之則妄矣拘 以物治之則有毒樂以入治之則有針砭按蹻愚衆之 演山集

充其操者也且傷人馬聖人之於諸侯也恕其取民之 **諸侯取其所有而過者也盜則取非其所有而已接我** 已於尚亦不失已於介不侮人亦不自辱 無義取其接我之有禮交我之有道弗却而受之不失 以禮交我以道猶弗受之受之適足以自汙却之不足 似喪其偶故能無對有偶而物我辨矣然而有齊物 以侮人然而萬章引諸侯之不義而與盗者比不亦甚

我有我故有物物我两立而是非好惡不可以勝計也 如槁木則忘形如死灰則忘心有心故有形有形故有 能齊之真齊物者也 道者不必喪其偶而後能齊之似喪其偶而已有偶而 秦所以喪我我且喪矣而彼鳥能以長短小大計我哉 似鼻似口似耳似枅似圈似臼似洼似污其形之不齊 齊物之道喪矣心如死灰子養所以喪形形如橋木子 道與我相為得喪者也

て こうこここう 三人

演山焦

之萬物一府矣何大何小何是何非 故能役形而受其聲自氣而觀之衆形衆聲之不齊也 大塊以其常無也故能役氣而作其聲氣以其常虚也 者則齊之耳形役於聲聲役於風風出於大塊之噫氣 齊也若之何齊之哉勿觀其形勿觀其聲而求其役此 也激者調者叱者吸者叶者讓者实者咬者其聲之不 且可以為一况其噫氣者那 齊物者母以形界心之虚母以我界道之無自道而觀

其無形無鳴無嘿以其無聲故能役氣而感其形 也聲之動静且不能自有之况衆寂之虚實予稍有待 大木百圍之穴竅以風而虚以風而消以風而鳴以風 火三日草/ふう一川 風則累於形者其去道遠矣為大塊者無實無虚以 **嘿而風以大塊而齊以大塊而起風能役乎衆竅者** 減山东

